



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 16. Solimanus obsidionem solvere paratus, sed a proditoribus confirmatus.

[urn:nbn:de:hbz:466:1-66495](https://nbn-resolving.org/urn:nbn:de:hbz:466:1-66495)

rium suum hujus belli auctorem neci addixisset. Referunt Scriptorum nonnulli, latam in eum fuisse sententiam, ut sagittis transfigeretur, jamque palo ad subeundum extremum supplicium fuisse alligatum, Pirum tamen Bassam sententiæ executionem differri jussisse, donec ad Sultani pedes provolutus, amico suo vitæ veniam deprecaretur. Verum Solimanus, quod ejus jussa fuissent neglecta, vehementiori ira accensus, quantocius Pirum ad idem supplicium condemnavit, atque ambo hac pœna mulctati obiissent, nisi Solimanus Bassarum suorum lacrimis commotus, a furore suo remisisset, & utrique veniam indulgisset, ea tamen lege, ut Mustapha nunquam ejus conspectum subiret.

§. XVI.

Solimanus obsidionem solvere paratus, sed a proditoribus confirmatus.

Sultanus de capienda urbe desperans, jamjam obsidionem solvere decreverat, armaque, & suppellectilem plerique convasabant, cum transfuga, Albanæ miles, clam ex urbe sese subducens Solimanum moneret, quod omnes fere Equites aut cæsi, aut vulnerati, mi-

Hist. Eccles. Tom. XXXIV. P lites

Sæcul. XVI.
A.C. 1522.

Sæcul. XVI lites quoque ad pugnandum impotes fo-
A. C. 1522. rent, ipseque supremus Ordinis Magi-
 ster omni ope & opera destitutus in ex-
 tremo discrimine luctaretur. Accessere etiam literæ ab Amaralo Cancellario scriptæ, quibus obseffos ad incitas omnino redactos esse, Sultano significabat. Hujus rei fama toto exercitu divulgata, Turcarum animos prædæ spe ad redintegrandam oppugnationem alacres reddidit, ipse quoque Solimanus aut urbem in suam potestatem redigere, aut ibidem mori decrevit, moxque Achmetem Bassam in locum Mustaphæ, qui in Ægypti Præfectum creatus illic navigavit, summum totius exercitus Imperatorem constituit.

§. XVII.

Obsidio per Achmetem Bassam Mustaphæ subrogatum continuata.

Jacq. de Borb. l. c. Fontan. hist. belli Rhod.

Achmetes, cum operum bellicorum scientia clarissimus esset, longe alio, quam Mustapha obsidionem urgendi modo utebatur: ut vero suorum militum sanguini parceret, in fossorum opera, ac cuniculis consilium quærens, ante obsidionales fossas densum aggestæ terræ murum erigi jubebat, quem tormentorum globi ex urbe emissi impune ferirent,